

# Leanne Olivier se rituele portretkuns oor die heilige vrou

2020-08-03 - FRANCOIS LION-CACHET

<https://klyntji.com/joernaal/2020/8/3/leanne-olivier-kuns>



*BONE AND FLOWER WREATH*, 2020, hematiet-klip en olie op doek, 130 x 100cm

# Skilderye met 'n sjamanistiese inslag en 'n klassieke benadering

Leanne Olivier stel as deel van vrouemaand haar nuutste uitstalling *The Medial Women* (oftewel *Die Mediale Vrou*) bekend, saam met 'n kortfilm oor haar denkwêreld. Dit handel oor wat sy as die "heilige vrou", of die sacred feminine beskryf. Die uitstalling sou in Valencia, Spanje gewys het, maar is afgestel weens die "Great Global Pause", aldus Olivier.

"My nuutste kunswerke word toenemend beïnvloed deur idees en praktyke wat met sjamanisme verband hou, saam met eksistensiële denke (die menslike kondisie en die situatedness of being) wat uitgedruk word in sekere Absurde teaterstukke," vertel Olivier. Sy beskryf Samuel Beckett en Andre P Brink as invloede. Soos met teater is haar kuns ook ietwat "staged", veral in haar vroeër werk. "Ek speel met die idee van mense as akteurs, marionette of poppe."

*"Ek stel belang in die liminiale (tussenruimtes) van die menslike psige en ervaring. Ek gebruik klei, as, grond, bene en plantmateriaal as middele om die wese van bestaan te ondersoek en te herontmoet; ook om idees oor normaliteit uit te daag: 'The idea you have of yourself suffers from ideas it has about itself.'"*

Olivier werk met fyngeaalde klip, in die gees van die San en Khoikhoi se rotstekeninge, sowel as met olie verf. Haar invloede is 'n mengelmoes van verskeie rasse, kulture en idees (dink Voortrekker-kappies en Spaanse sluiers). Sy lig dualiteite uit: "Mens/dier, natuur/wetenskap, irrasioneel/rasioneel, droom-staat/bewussyn en waar hierdie lyne vaag word." Sy voeg by: "In wese is my doel om met vaste konsepte in die samelewing te speel deur onreëlmatighede, onsekerhede en die mens se behoefte om dinge te laat sin maak, waar te neem."

Olivier is in 1986 in Pretoria gebore, waar sy steeds woon en werk. Van haar vorige uitstallings sluit in *Gedaanteverwisseling* (2016, Rust en Vrede-galery) *Intrinsic/Extrinsic* (2017, Jan Royce Gallery) *Maskers* (2018, Woordfees) en *Tussen Stasies* (2019, Trent Gallery).



*STUDY BONE AND FLOWER WREATH*,  
2020, verbrande karmynpotloodpigment  
op hahnemuhle, 94 x 68cm



*STUDY CASCADE OF ASHES*, 2020,  
Verbrande karmynpotloodpigment  
op hahnemuhle, 94 x 68cm



*LA QUE SABE*, 2020, hematiet-klip en olie op doek,  
130 x 100cm



*LIFE DEATH LIFE*, 2020, hematiet-klip en olie op doek,  
130 x 100cm



*BEHOLD, I MAKE ALL THINGS NEW*, 2020, hematiet-klip en olie op doek,  
100 x 100cm



*SHE RETURNS*, 2020, hematiet-klip en olie op doek, 200 x 130cm



*OPHELIA AWAKENS*, 2020,  
hematiet-klip en olie op doek, 91 x 61cm



*RIVER-BENEATH-RIVER*, 2020,  
hematiet-klip en olie op doek, 76 x 76cm

Francois Lion-Cachet  
redakteur@klyntji.com / [@francoislct](https://www.instagram.com/francoislct)  
[www.klyntji.com](http://www.klyntji.com)